

髮衝冠令下陰雲四合雷雨大作守甚禮敬之

楊茂林字湛然未詳何地人有道行不用符檄片紙立驅鬼神永樂五年以皇后崩詔黃冠啓法筵茂林以白衣見雲翔香湧上異之稱曰至人命以官不受賜法衣勅行遊天下時吳江大旱署篆王懋本延茂林禱雨兩雨立至因留崇真觀構方丈居之屢著靈異一日忽脫裘履而逝蓋百餘歲云後有自洞庭還者遇茂林以雙鳥昇歸始知茂林仙去

鄧羽南海人明初青陽縣令後爲道士金丹內煉之功既成雲遊物外永樂中自武當往武夷因過同里隱者范伯彰延之家塾聽講神清氣肅見者竦然嘗著觀物吟百篇皆託物以喻性理之旨後數年尸解而去見獻集參列朝詩集
俞嗣宗字廷遠儀表修長音吐洪暢傳靈寶齋法默契其妙醮筵歲事終日無惰容其誠敬類如此久居仁濟道院闔郡知名年九十有六見獻集

以上道

吳江縣志

卷三十六

釋道

四十六

卷之三十七

人物十四

別錄

宋

周會昌咸淳十年第進士授寧國府學教授以學行稱卒於官

見莫旦松陵志

胡氏平江胡尚書元功女少師黃由妻善筆札詩文亦可觀琴碁寫竹等藝皆精

自號惠齋居士與由偕居盤野其墨莊額胡所手書也

本盧王二郡志

元

蕭國寶字君玉山陰人以鄉舉官吳江遂家焉工詩著有輝山存彙至順辛未歲東魯孔濤爲之序稱其懷瑾握瑜韞而不沽發而爲詩皆有補於世道

本元詩選

章德剛一都柳胥村人至正中薦任崑山州學正有詩名子孫居同里鎮

甯普甯壽竝萬戶玉孫至正二十年知州趙仁以甯氏故宅創建新學普壽復以二十八都投氣涓田二十五頃納諸新學資給廩糧翰林院國史編修蘇大年爲

記本寧譜按普為居仁第四子壽無考蓋寧氏輯譜時壽所出已無傳而失之也又舊志止載仁之創新學不及普壽納田事然蘇大年記見在足為顯證

奚士龍吳江州人至正二十四年見吳學鼎新慕義割私田九十畝有奇歸學以

供餼廩以下二條見獻集

甯宗玉太尉玉孫好書禮有儒者風幼侍其父成湖廣五開衛跋涉艱險父卒事母以孝聞總兵知其賢命掌中潮千戶所書記剖決如流人皆稱之

明

盛景華弟景良嘗坐鹽法見捕父寓翁憐之不忍遣景華代往以安父心既至京法司立赤白二旗於庭下令於眾曰願為軍者立赤旗下願為民者立白旗下景華謂友人蔣某曰立白旗恐有後悔蔣曰奈累子孫何景華曰子孫賢買人當軍子孫不賢替人當軍君毋過慮也乃與同立赤旗下已而得旨立赤旗者與善地當軍白旗者處斬戶丁發邊遠充軍景華乃得成寧夏年九十三卒於家見莫旦續志朱仲南風流儒雅通達時務洪武中由賢良薦選侍東宮踰年授北平布政司參

吳江縣志

卷三十七

別錄

四十七

議以仁恕稱在職數載卒見文徵

姚恕字仲行縣市人洪武二十三年領鄉薦任監察御史有政聲卒於官見莫旦松陵志

下三條同

張瑛字世珍表作伯玉縣市人洪武二十一年貢任南京左僉都御史克盡憲職後坐

事沒

諸士能字至拙縣市人洪武二十八年貢授北平左布政使表作湖廣僉事按始蘇志由北平布政謫

知州陞僉事蒞政忠勤坐事沒

陳樛老字一初號五峯老樵性聰敏貌朴野所作詩文富麗其豪為好事者所匿不得行世

王器字汝器縣市人洪武三十年貢生授廣州通判陞瓊州知府改廣州永樂十二年丁母憂歸溺死太湖瓊州志稱其賢良特達廉謹有為

莫轅治喪不用異教亦不泥時日吉凶凡世俗淫祀一切屏絕

姚廣孝長洲人初爲僧名道衍字斯道居相城妙智庵時相城靈應觀道士席應真讀書學道兼通兵家言尤深於機事廣孝從之遊盡得其學歷居吳江華嚴寺慧日懺院多所題詠明洪武中以高僧薦選侍燕邸深見親信與密謀永樂中以靖難功進官太子少師復姓賜今名卒贈榮國公諡恭靖事詳明史

吳昂字伯昂永樂初嘉善袁杞山以王叔英黃子澄黨懼禍出亡行至吳江北門作絕命詞云北風蕭蕭兮秋水綠木落松陵兮野老哭周武豈不仁兮耻食其粟生無聞於時兮死又奚贖吾將遵彭咸之遺則兮葬於江魚之腹行吟數四自投於河昂聞援出之詢得其狀願破家相容以告從祖貴五貴五曰何論破家雖殺身可也因畱諸家三月本袁顯撰吳孝子尋親記及袁氏家訓按家訓以昂事爲貴三事今從尋親記

盛起東嘗夜夢有人寄椒於家久矣急欲椒遂私發而用之既覺深自咎曰豈我義心未明以致此耶迄不能寐坐以待旦本枝山前聞

吳江縣志

卷三十七

別錄

四十八

龍江海夢雀鼠稻梁謀語文襄終身愧之

見吳中往哲像贊

史珩字廷用由貢生歷事秋官選桂陽縣縣有豪朱楚達糾黨數十奸禁亂法掘強深山中吏莫敢闖其門縣務廢不治前長吏往往坐罪去珩至任廉楚達當過近郊伏吏卒擁之至楚達伉倨珩手捽之踣鞭撲亂下并擒其助亂者五六人悉死杖下由是縣始可治其黨懷怒伺間竟縛珩至京師時方勵縛官之禁羣寇十餘悉論戍遼左猶免珩爲庶人本西村集

正統初布政使何源家居一日詣府謁知府况鍾青袍角帶從東門入闈人不識厲聲呵之源曰吾致仕官煩爲通報闈者曰汝官不過丞簿耳源曰不止此曰豈同知通判乎曰不止此曰然則太守乎曰亦不止此闈者驚疑源徐曰江西布政使也既報鍾出門肅入成禮而別挽之由中道不從請乘車亦不從徒步而退吳孝子璋棄家訪母附廣舟以行有長洲僧蘊空同舟舟中設觀音像璋朝夕禮拜求見其母將至廣患痢一日百起昏瞶中猶諄諄呼娘不置賴蘊空護視得無

恙及抵韶而母已隨王移江西矣遂與僧別從陸路抵饒州奔馳沙礫間兩足俱腫自脛及指寸裂不復能進乃臥野寺廊間有道人自言姓焦取藥傅之立愈如初行過嶺有黑蛇從草中嚙其足卽昏仆地復見前道人至以藥塗之卽於嚙處抽出黑涎尺許而愈然足尚不能行宿一孤村有婦人出畱甚懇勸具湯沐浴方登榻而婦人求薦寢璋曰我半死枯藤豈有春意力拒之出門而道上雪深一尺矣徬徨風雪中勉強前進憇一枯廟忽見焦道人冒雪而來撫之曰爲母忘軀真鐵漢也出餅與啖頓忘飢寒天明尋路而行抵饒叩王府屢啓求見母不允璋素善銀工王府內使見而悅之爲造器飾遂有爲之地者復具啓以懇中有云危嶺草深卒脫命於毒蛇之口寒更雪擁幾失身於嫠婦之門王問其故左右以實對王大賢之遂允其請得見母

見袁顯
尋親記

馬忠字克誠景泰二年以貢爲高州府通判時境內多事忠在戎馬間頗有勞績致仕歸進階奉議大夫有司舉行鄉飲禮忠在賓位者二十餘年弘治末年卒年

吳江縣志

卷三十七

別錄

四十九

九十四

見獻
集

盛景以御史言事謫古田典史天順初量移四川羅田令都御史曹泰甚禮重之時四川盜起泰因入朝求去位景上疏言致盜由泰乃欲委之而去可乎泰至吏部尚書王翱問蜀中官吏之賢者泰首舉景翱笑曰彼言公短公乃稱其長可謂

無私矣

見震澤
紀聞

吳鉉字時舉邑同里人父驥清豐教諭五典文衡有詩名鉉中天順壬午鄉試授四川布政司經歷董永寧軍儲九姓長官任某沒而無嗣宗人爭襲職上官委鉉勘問僞者以重賂通却之而直其事致仕歸年六十三卒鉉爲人沈靜質實居家孝友以故居讓其兄元鏗而自營一居威寧伯王越師事其父與鉉交厚及貴未

嘗干謁

見莫旦
續志

王中吉勤儉自樹未嘗取非義之財家寢以饒成化改元歲饑焚逋券數千辛丑再饑出賑米六百石上官旌之不受

見錢
志

趙寬年二十四以書經中會元時主司為宜興徐溥趙卷右吳寬經房編修黃某閱春秋持孫交卷爭先後溥召分校者長席通坐令善誦聲烈者吏胥一人誦兩人卷每卷誦一支畢溥曰何如眾曰某卷好凡十九篇逐節注明通計優劣孫不如趙遂定趙為榜首

本黃魯曾續吳中故實

吳洪自廣東副使轉福建按察使瀕行闔帥夜走橐珠贖曰某非有所干毋疑也洪笑曰行者贖不有一束書乎何以珠為立却之

見王世貞吳中往話像贊

洪按察福建時有叔姪同行異宿其叔宿橋下為漁人所殺姪意其宿別館也訟館人及池旁數家械繫及死眾莫能辨洪廉得其情抵漁人死盡脫諸械者人為神有富人乘竹兜出以一奴隨中道棄兜與奴步歸則為典財者所害主家訟奴及昇者互相執莫知所坐洪曰三人同發主家顧不畏其家屬而中道殺主乎訪其里嫗知典財者有手血濺衣之迹捕其人真於法

見王志堅人物傳

吳洪弘治初按察福建明恕清白斷獄無枉城北有虎患洪為文禱告虎遂去

見福

吳江縣志

卷三十七

別錄

五十

建通志

王哲弘治中以御史巡按廣東務持大體先是盧格來巡張弛瑣屑大失民望哲至獨洗冤澤物鋤暴惠良人心始安屬吏有私餽於其家者詰而絀之其無私類如此

見廣東通志

丁綿字宗遠父傑見名臣傳綿至孝弘治中以例監生任錦衣衛經歷甫及考績以母金氏年老乞歸養侍奉終始不懈母壽一百二歲人謂奉養所致或以為孝所感格云郡人唐寅有孝壽序鐫石

吳尚書山每行必攜棺自隨後以郭勳事觸上怒勒歸卒於利國驛即用以斂

本湧幢小品

朱且字汝明從父寓學常熟遂家焉且方嚴靜嘿行義不苟以師道自居鉅室錢允言氏敬禮之為買田築室不聽其去且所與接皆良士以文詞雅道相麗益其詩多選體年八十餘卒子臣字良臣以貢為眉州學正賓字元賓性行竝省其父有經學

書法趙孟頫

見獻集

陳堯恩字汝濟正德五年舉人任永安知州嘉靖五年攝橫州時有思田之師都御史姚鏞駐節橫州三省官屬供費繁冗驛丞庫子俱遁堯恩至出庫銀大小作數百封鈐印親給譴擾乃止民稍安時省里甲科派革吏書弊助士之貧者修學圯廢州人至今思之

見廣西通志

史臣字邦直嘉靖二年進士由工部主事歷刑部郎出爲山東僉事陞雲南參議未任解官臣爲主事亢潔轉刑部多所平反及僉山東每語寮屬曰聽獄貴虛拘成案者多冤嘗錄囚濟南府長白山寺僧以姦殺婦罪死者八臣以婦屍暴寺門爲疑密求之知先與郡吏通按吏吏言實謀殺其夫將攜以逃而婦往見婦懼其言漏乃復殺之吏服辜東土稱快

本沈啓撰墓誌

周麟字仁仲嘉靖七年舉人授常山知縣治獄多所平反姦胥必繩以法入覲時庫有空銀千兩吏曰此無礙可取麟曰此獨非民脂膏耶何可入私橐常山要衝使車紛沓麟於夫馬祇應槩從裁省曰吾不忍浚民以媚尊貴也以是忤上官調

吳江縣志

卷三十七

別錄

五十一

簡靖安二年致仕歸卒徐師曾誌其葬

本續同里先哲記

徐師曾爲翰林時嚴嵩執政師曾意不樂閣試題寒塘宿鴈圖師曾因以詩見意云秋深陽鳥宿平蕪誰對寒汀繪此圖日暮江南眠最穩天空沙際影仍孤刷毛自問霜華老斂翮那思風力扶但願衡陽得飛去不愁雲路稻梁無嵩得詩銜之未幾出爲給事

鄒崑字玉卿積學能文舉嘉靖己酉鄉試壬戌謁選授衡州府推官政尚嚴明繩姦貪剔蠹弊不遺餘力曰不如是民何由安行部永郴諸處所至懾服尋署府篆以廉能稱甲子校工楚闈事竣卒

見文徵

太學沈嘉謨同邑顧氏世有厚德子十齡失怙家業頗饒時值禦倭知縣集諸大姓議餉軍衆謂無如顧氏子嘉謨曰孤兒寧堪此役衆謂彼家僕不少嘉謨曰彼強奴挾重役以欺幼主則家立破耳諸公獨不念彼祖若父乎必欲役是子請以某代遂獨署己名終軍興數年不及顧氏子

本家塾私語

沈嘉謀官上林苑丞父給諫漢以建言下詔獄嘉謀身主橐籥不使僮僕代一日泛舟太湖雷雨大作舟爲龍攫而覆幸不死取人所負券盡焚之蓋二千餘緡云當謁選時客蒲坂楊襄毅所有武弁以事求關說持千金爲壽却之曰我義不爲阿堵欺長者

見錢志

周兆南字仲陽尚書用子嘉靖中舉人選杭州織造通判在任五年宦橐如洗民有只飲西湖一口水之謠擢知許州戶部領徵科冊例甚嚴兆南覽之默然良久曰許民貧我何忍鞭朴爲遂投手版登車去年九十一卒

本詩粹

萬麟字賓蘭莊練塘人嘉靖中以貴雄於鄉嘗捐田二百六畝助役捐二十畝立義學捐三畝作義塚又捐田房共三百六十畝爲義莊贍族他如建橋築壩利人事甚多隆慶二年巡撫都御史林潤嘉其尚義飭縣旌門給帖以示勸勵帖今尚存

沈檢討位善事後母與後母弟俦友愛調族贍友不蓄餘資壽春庵僧滯寃獄

吳江縣志

卷二十七

別錄

五十二

位白於當道釋之僧初不知也

見府志

迳霖字惠卿慷慨好施里黨有飢寒死喪莫不周贍每歲終出餘資分給族人之貧者嘉靖隆慶間歲常大稔當事下勸貸之令霖前後輸粟二千石有奇嘗董役作塘同事某力不能辦霖并以自任部使者嘉其尚義旌其門

周崇仁字元夫父大章見名臣傳崇仁嘉靖中隨父禦倭斬首二級以父功蔭蘇州衛副千戶萬曆二年禦倭黑水洋復斬首一級加正千戶遷吳淞把總署指揮僉事歷任劉河金山孟河太湖總練年七十卒

本周譜

八斤沈東橋某值倭寇至盛墩偕兄弟禦之斬首三級官給扁以旌歿後里人塑其像祀之

吳江鄉落有庠生某儀貌素偉倭寇卒至欲與偕往不屈斷其一臂罵賊不絕口而死時海上僧兵曾奏捷已復敗有僧號宗印者亦罵賊死

趙重道字公載祖寬見名臣傳重道少有才名古文詞爲當時所推隆慶二年充

貢任江陰宜興兩學訓導有三餘館集行世

本文

馬貫字道卿萬曆間進士授九江府理刑九江俗喜訟吏多姦詭前司李率摘伏為能貫不事刻深亦無敢翫法者遷刑部主事累進郎中適御史劉臺以劾張居正獲罪當事者希居正意欲文致其罪檄委貫貫不為動曰吾不敢枉一黔首乃敢陷一鯁臣當事者銜之出知興化府時旁郡有倭患貫預修城池為保障計郡人賴焉年五十六卒

本錢志

張尚友字益之父病革刲左臂和糜以進人有欲上其事者尚友怒曰是欲我以死父取名乎狀苟上我必死之張居正奪情嘗且詛者竟夕為文疏通爾雅有唐宋大家之風所著存筭集錢謙益為序子世俊字孟舒為人孝友捐潔周順昌逮繫出入橐籥無所避人尤難之

本牧齋初學集

陳良模萬曆間為文水教諭治書經聯社課藝學者雲集中丞魏某學使杜某檄詣鎮城書院訓多士甲午秋闈聘入分校稱得人鄭之僑王在臺鄭宗周皆出其

吳江縣志

卷三十七

別錄

五十三

門後陞涪州知州

見山西通志

顧自植字含素同里人萬曆二十年進士授封邱知縣歷鄱陽時奄人權稅湖口侵漁暴掠重臣莫制自植正色與爭收其權歸臺臬璫不敢肆縣多山虎患尤劇自植命眾用膠黏梯得數屋散虎穴及出入處虎被梯黏皆跳踴咆哮墜而死境乃安官至江西兵備道卒子家曠字仲明崇禎末膺薦鼎革自經家廟救免為

頭陀以終

本許虬撰行畧

自植父曾志遺腴田四百餘畝分授諸弟一無所取諸弟以居宅併歸之自植各倍其直共浮千餘金時稱友愛

本許虬撰隱德錄

沈僉事瓚有老僕秦卿無子將死獻其田幾二百畝瓚不受既而曰吾族人多貧今以其田為彼衣食資亦無慙此僕也因復自捐田數十畝并各房所助及增置者共四百三十畝為義田復捐練字圩莊房為義莊以貯米每歲上熟租入六百餘石去其二為賦役之供去其一備凶荒婚喪什器之用而存者二百餘石乃次

第族人之戶除家產百金及有田二十畝以上者別爲上貧中貧下貧三等刻期量給其年高有德及寡婦之守節者倍焉其不孝不弟游惰無業者斥弗給若遇嫁娶喪葬則以所備用者量等助之如下熟或小饑復量米每戶遞減始於萬曆之二十年歷三世七十載貧族皆利賴之

沈副使琬自通籍至解綬不受人饋遺東昌官舍蕭條如苦行僧其出謁上官盡屏儀從惟做輿一乘雖盛暑不張蓋郵中續食多自市比去官家人皆垂橐而出有一鶴亦送醫官端守忠其狷介如是乙卯丙辰間已遷東兗副使以行部至郡

見民多菜色猶捐俸百餘金爲常平糴本後贏及千金置一義莊貧民賴之

祀名 松陵沈憲副琬以東昌守入覲不送人一書儀爾時同舌賢之可見公道未嘗不在人心

本茅瑞徵澹樸齋外集

八斥屠大化字時霖萬曆中知縣劉時俊因邑人兌糧苦旗弁橫指斛面浮粒乃爲窄口斛使不得多浮旗弁以擅改糧斛劫解總漕時俊被參邑人多奔愬於京大

吳江縣志

卷三十七

別錄

五十四

化至淮與旗弁質對當官較斛兩無贏縮旗弁語塞時俊賴以無事又嘗以民運抵京見運埠泥濘運丁有顛越賠補之苦捐數千金爲甃石人懷其德勒碑誌之

陳北疇沅湖人性好施與萬曆三十六年大水淹田餓殍載道疇運米八百石往東鄉貿易道經奚栢祈橋見飢民鵠面鳩形顛連之狀心爲惻然遂計口賑給頃刻散

盡全活不可勝計

見府志

申孝字子純萬曆中諸生生周歲母死卽知哀痛臨殯號泣不休父異之故名曰孝父嘗病癰幾殆孝朝夕吮其毒氣薰臟腑遂悶絕俄嘔出毒涎數升而甦父亦愈王

世貞誌其墓劉鳳爲之傳

本愚庵集

申五常字一孺一字景玉萬曆二十九年貢生博雅負才有知人鑒與吳默趙士謬莊憲臣張弘基等交最契識周忠毅於童時課之家塾而以弟之女女之御史行部

至邑中必問以利弊五常不妄言言亦無不從也晚好遊輪轄幾半天下

參董志

周忠毅宗建七八歲時父輯符偶與客語及揚忠愍事宗建聞之遽起問求詳父爲

言忠愍劾鸞嵩得罪以死狀宗建拍掌叫曰何物楊公大好死彼鸞嵩安在哉聞者皆驚異之後宗建果以直諫死節與忠愍同乃知大氣節人自幼卽有志槩也

張世偉七歲喪母上食號慟塾中兒皆爲流涕父歿事兄如父急朋友之難甚於己鄉邦有大利病縉紳囁嚅相顧必自世偉發之晚與文閣學震孟周忠介順昌朱孝介陞宣爲友而姚學士希孟出其門諸公以名行顯聞世偉居其前爲唱于焉閭里有不善相戒曰無使張孝廉知其所居嚴重於公卿

本牧齋初學集

姚箕縣市人諸生有行檢持論斬斬而篤於色養萬曆中撫按獎之

本董志

金邦柱字道隆由舉人知福建邵武縣有惠政士民立祠祀之陞南京兵馬司指揮福王時遷兵部職方司主事邦柱爲人淳謹明風角嫺韜鈴以國變不竟其用而卒

本董爾基儒學志

龐承寵天啓中知杭州其聽訟遇民懦氣懾口格格不能吐則令其盡言無畏遇姦民利口巧詆勝人則威嚴以臨之承寵曰周禮五聽氣聽爲微吾正欲聽其氣耳有

吳江縣志

卷三十七

別錄

五十五

兄弟訟者髮垂白承寵詰曰異母弟昆耶對曰一父之子也承寵曰今訟當非汝兩

人心必中婦言乃至此牝雞司晨惟家之索兩人驚悔泣下謝罪去

見浙江通志

陸雲祥字嘉卿天啓丁卯舉人家極貧淡於榮利喜閱異書爲古文詩賦不蹈前人蹊徑自成一家言晚任鍾離教諭陞掖縣知縣以廉惠著謝病歸年七十一卒

著有筠軒集等書弟雲慶字善卿邑諸生爲人高曠篤倫紀博覽羣籍著四部類

纂六十四卷十年而成年六十六卒

本續同星先哲記

金允治邑諸生因訟叔父寃爲怨家所陷繫獄三年潘兵部有功救之得免攜入

都崇禎庚午順天試許錦衣衛子弟預文場額中三名蓋特典也允治遂冒錦衣

籍得中同舉者高岱余世瀨皆南人典試則姚文毅公希孟給事中王猷相體仁黨也卽疏糾希孟私庇鄉里并喉諸勳衛同詞許奏將中以危法得旨覆試御殿

午朝後命題申初撤卷其拈題屬文止未時片刻歲首嚴寒風沙坌集高余皆以覽彙未竟遣戍允治獨立獻三藝辭藻斐然論旨稱賞名動京師姚亦藉以無恙

蘇州盛子材名王贊初至貧無以卒歲往所知告困及至耻不忍言所知不解其意

贈以節物及歸日已暮野宿母妻忍飢以待元旦至家出所懷節物食之而已弟

二人業賈及子材成進士弟遂儒服子材戒之曰吾仕欲以多金起爾家不得若

欲憑聲勢漁利桑梓不可去賈業士已不能賈而士服誰與賈不如賈服而賈業

二弟從之申酉之變卽所居某山隱焉授村童爲活婦女童豎稱先生莫知其嘗

仕者故人有以顯官至吳不得見其面宗族乃笑嗤之以下二條見楊園集

盛子材令蘭溪持已廉平有惠政邑民德之崇禎辛巳直指王某按部至金華檄

取羨金若干子材不應直指怒曰彼恃其廉耳以貪劾之去遂罷歸

周應僖字和叔尚書用曾孫由太學生授南京詹事府主簿親疾嘗割股以進崇

禎七年旌表本府志參周譜

諸生王玉錫字來宣當崇禎十四年邑中大疫死者閭門相枕籍無遺類偶觸其

氣必死玉錫之師陳君山父子妻孥五人一夜死親隣不敢窺其門玉錫獨毅然

吳江縣志

卷三十七

別錄

五十六

直入曰師弟謂何忍坐視耶乃率數丐者至屍所一一棺殮之止有一纏襪子幾

死畧有微息親抱出乳藥得生陳氏賴以有後其平生尚義類如此

趙座字鼎台同里人性至孝嗣母卒方七歲哭盡哀嗣父歿時座方館白下不得

視含殮歸而哭至死者二本生父病劇割股療之卒仍服喪三年其他厚德事甚

多本續同里先哲志

按爲人後者爲之子故服所後父三年而服本生父期是謂以義奪恩若仍服

三年則二本而禮制亂矣心喪三年可也座此事不可爲法

崇禎三年舉人錢琳字仲雍六年舉人宜興教諭陸汝孝字錫虞竝以明亡高隱

不仕本錢雲人物志。宜興縣志作華亭誤

費彙興字晉叔崇禎十五年由監生授山東齊河縣丞時戎事方棘知縣逸去彙

興獨守城五月城完巡按御史余日新題敘擢青州府通判命下以疾歸乙酉後

隱居蘆墟不入城市者三十年年八十一卒

周燦巡按江西時嘗以楚疆決裂請敕行間諸臣併力夾擊以保江南又請南漕二糧各折半以甦民困又請止九江分關以卹商旅皆於所按地有裨本願樵撰傳

施祐穆溪人歲飢出錢穀以貸積券千餘金悉焚之曰因荒以為利仁者不為也

鼎革時盜掠人為質至期不贖即殺之有吳奉溪者被掠限將踰其子號救無路

祐傾囊往畀曰速以此救若翁遠近異之見屈志

尚書吳洪長女適郡人徐某為都憲徐源家婦善事舅姑以賢達名後吳郡遇劉

七宸濠二大變一則有狼山之逼壓一則有安慶之先聲吳悉以無成決之果如

所料本續吳中故實以下女

光祿寺丞沈璟女大榮適太倉舉人王士驥能詩文兼善草書次妹即倩君也季

妹靜專字曼君適諸生吳昌逢遭家坎軻為詩詞多淒激之音昌逢字適適故所

著名適適草

沈宜修字宛君副使沈琬女工部郎中葉紹袁妻也紹袁風流韶令宜修十六來

吳江縣志

卷三十七

別錄

五十七

歸生三女長曰統統次日蕙綢幼曰小鸞蘭心蕙質皆女秀也宜修與三女題花

賦草中庭之咏不減謝家統統小鸞皆不永年宜修神傷心死未幾卒仲韶合妻

女所著詩曰午夢堂集行於世宜修妹智瑤字少君宜修弟自炳二女憲英華鬢

宜修從姊媛字文姝媛女周蘭秀字弱英宜修從妹倩君竝能詩一時倡酬哀挽

之作流布人間稱為閨閣勝事本省志

按省志所列沈葉諸女皆本錢謙益列朝詩集故敘其才而不及德論其文而

不及學若宜修則德與學竝優其幼子燮撰西華阡表稱其事親孝教家禮事

事克相府君之美嫺詩書以古大家為師其語固無溢美也

張倩倩沈自徵妻自徵為宜修弟而倩倩即宜修之姑之女也美而惠無子女乃

女宜修之季女小鸞教育之年三十四卒工詩詞作即棄去小鸞記憶其數首宜

修為作傳并錄小鸞所記詩附傳中自徵繼室李玉照亦能詩詳列女篇本省志下二條同

葉統統字昭齊生三歲能朗誦長恨歌十三能詩書法遒勁有晉風歸趙田袁氏

幼妹小鸞殤哭之過哀發病卒年二十有二

小鸞字瓊章一字瑤期四歲能誦楚辭十歲侍母宜修初寒夜坐母云桂寒清露濕卽應云楓冷亂紅凋後遂工詩多佳句兼善琴能模山水寫落花飛蝶皆有致將婚而歿年十七

周慧貞字挹芬尚書周用之裔適嘉興黃某善畫工詩其橐沈宜修爲序本劉雲份翠樓集

沈蕙端字幽馨太常漢五世孫女能詩詞尤精曲律嘗作小令挽昭齊瓊章爲時人所傳時年二十本省志

湯尹嫺承其父俊民教善詩歌填詞畫花卉翎毛又善天文曆律測晷開方立方

籌算皇極統韻諸葛鼓音射覆之學皆其舅陳礪庵所教又善洞簫及鼓琴則與

其兄輔嗣弟仲舒妹渭君皆能之詳見列女傳本計東撰墓誌

靜可號笑庵能詩弘治中主教席於車溪尚書周用嘗師之講習之下取所居軒

亭名各賦一詩以紀其勝見詩粹以下釋

吳江縣志

卷三十七

別錄

五十八

如奇字寒灰姓方氏吳江人孝孺後裔棄諸生出俗參承紫柏門牆步武上乘匡

維慧命嘗與袁宏道酬酢不讓參寥之與子瞻也後示寂蘇州瑞光寺仍塔徑山

見松陵別乘所載釋普文禪藻集

洞聞法乘晚又號雪柏吳江人嘗登山頌古有語錄行於世後終於虞山之破山

寺見松陵別乘所載徑山志

大持字圓印姓沈氏吳江人雲栖薙染受具工詩又有實印字慧持接待寺僧妙嚴字

端友際瞻字師星源際字曠兼皆吳江少年僧結詩社以清新之句相尚皆早歿本

朝詩集

廣緣字竹忘華嚴寺僧受衣憨山大師工詩其寺又有行荃字竺蘭珠龕一名通

淨字雪林及接待寺僧悟定字栖元德淳字人素真契字則隣俱有詩名詩並刻

聲社集

周永年曰吾邑詩僧如照影實印德淵字香渡照音行荃字竺蘭不下十餘人而廣

緣爲最照影照音今並見震澤志

大清

費元謙字子美乙酉避兵蘆墟猝遇盜執其母元謙泣曰金在吾執母無益也出橐金贖母金盡而盜未厭遂被害及殮解衣見其懷父像於胸人盡哀之

李黃字經淵博學工詩文善書爲諸生試輒第一順治五年拔貢康熙六年除兗州府張秋通判丁內艱歸年七十九卒著有焚餘集仕優草行世類畧三十六卷讀五堂集藏於家

沈昌字子言太常漢五世孫順治五年浙江副榜貢授廣東保昌縣丞詩文詞曲與族兄永令齊名著有史書辨論閑餘閣詩橐

周邦彬字雅生順治八年恩貢康熙中爲台州同知時大兵駐台邦彬每事爲民請命嘗署糧務兵以糗糒不充撼之屹不爲動民感其德本浙江通志

沈自復字辯如周莊人爲諸生練達世務順治中知縣雷珽立均田均役法多采

吳江縣志

卷三十七

別錄

五十九

其說

浦龍淵字孟躍一字潛夫與尤本欽平章善才亦相埒時號浦尤平順治間龍淵以人才爲經略洪承疇薦授城步知縣著有周易通十卷周易辨二十八卷吳偉業王士禎葉方霽嚴沆俱盛稱之

計甫草好學能下人吳門黃孝子向堅尋親滇南歸甫草執贄事孝子爲門下生或言孝子少文采子何師甫草曰子夏論學備矣人固有能獨身徒步求親萬里蠻瘴之鄉虎豹虺蛇盜賊風波險阻飢寒疾病出百死得生又奉其二親涉萬里以歸者乎天地鬼神實敬之而何吾之不師爲見魏叔子文集

孫岐生稟至性父永言順治十一年罹盜叛陷守卒捕永言急岐力辨不解被繫去榜掠七晝夜岐白母綁棄樓宇易鏹贖歸不一月兩親並沒哀號幾絕旋走江寧控總督得追緩殺卒磔盜而寬白人稱復仇孝子年若干卒周廷諤有詩悼之朱銓字御陞蘆墟人順治中父聖希往廣東訪王鼎司巡檢皇甫紹先觸瘴死銓

聞慟哭不食欲往歸父骨親黨以年少途遠沮之銖以死誓遂行半年至王鼎司函骨附舟歸其往來所歷水陸險阻患難甚多銖默禱於神悉獲免知縣塗應旂聞以奇孝格天額旌之銖終身不飲酒食肉年六十三卒康熙中有蔣鏊字翊王父商珍遊廣東兩載鏊感惡夢辭母馳省入廣歷數縣鎮抵崖州乃知父久歿哭棺前嘔血數升居數日函骨附舟以歸中途遇暴風舟裂瀕死者再鏊極貧其行貴往以鬻產歸以衆助云鏊卒於乾隆十一年年七十八

劉士恒字恒甫嘗留泉州幕十餘年及歸出其橐中裝買田產與二弟共之垂歿遂析產爲三以其二與弟弟逡巡不受士恒張目曰難得非田產也今日無讓異日無爭願子孫和好常如我兄弟足矣言訖而終

本董閩撰傳

王雲字定遠自嘉興徙吳江遂隸籍焉順治中成武進士授江南黃浦港守備以病免康熙十二年從福閣左鎮總兵劉某征耿精忠所至力戰有斬馘功常山興化泉漳諸郡縣之復雲有力焉由都司僉書累陞浙閩楓嶺營遊擊後以老謝歸

吳江縣志

卷三十七

別錄

六十

卒於家

周爰訪字求卓同里人康熙二年進士歷任寧晉榮陽知縣丈田有方軍興供應無闕擢昆陽知州時吳三桂初平民多流散勞來安集歸者踵至復調南安州治如昆陽在滇凡七年課士興教邊民皆知嚮學擢禮部儀制司員外未任丁內艱服闋補祠祭司進郎中出典山東鄉試旋督學江西卒於任爰訪天性儉約縉袍蔬食率以爲常歷任令牧部曹竝有冰蘖聲其赴昆陽也子身就道附屬邑巡檢舟入境乃知爲本州守云

本錢志

沈世潢字茂弘僉事贛孫風期雋雅以琴書自娛年四十後築室湖濱與二三素心往來而已詩近韋柳不事雕繪所著有釣梭集楓江巒影詞二卷

見松陵詩乘

沈四明永智少嘗作艷詞數首以輕脫見疑於人及訪族兄於保昌署夜獨宿有

美婢入房挑之永智堅臥不應人始服其操

見錢志

周新於康熙庚戌歲見邑被水災田禾盡泮偕耆民孫象先仲宣王臣陸吉赴京

揭控臺省給事柯聳御史紀振宜特疏上聞得免漕折十之三先是辛卯水災象

愚庵集

先嘗以編毗五具疏與撫按兩臺疏先後上得允改折故至是新等與偕云本錢志參

孫蓼字壽豈康熙十五年四十七矣值父病革默禱於神割臂肉作羹以進平

居好讀書遇關涉倫紀者輒記之有讀書鑑五冊

周啓字東明尚書用六世孫嘉興府學生康熙二十一年水祲啓所居南牛圍田

盡泮啓出米百石集衆厚水救起之及秋稔衆議償其費啓堅却之子斗文亦好

義有父風隣沈某嘗命傭人至斗文家擔糞於岸隙得黃金重可二斤沈欲與斗

文其攘之謬曰此周家物也斗文曰金在箱篋乃爲我物在岸隙則道路也終昇

之傭人

丁彭字墨霞諸生尚志節多長者之行嘗有郡同姓坐事當籍沒一子亡命至彭

家家人勸勿納彭曰彼急而投我我何忍顧後患拒之遂匿之其後事露幾掇重

吳江縣志

卷三十七

別錄

六十一

禍破其家不少悔也見遂初堂集

徐崧字松之少從史元遊善詩好山水著有百城烟水九卷本詩粹

吳鏘字聞璋尚書洪五世孫諸生貧而好客工詩與妻龐蕙縷相唱酬遠近稱之

江都宗元鼎爲作借隱歌康熙中卒於如臯冒氏年六十二著有復復堂橐子啓

汾詩亦清婉

潘耒篤於師門之誼崑山顧炎武學貫天人所著日知錄及遺書數種多經世大

業有裨學者耒次第刻之始傳於世長洲徐枋苦節數十年臨歿舉孀婦孤孫以

託耒耒爲謀其衣食田廬纖悉具備中更事故復身自捍禦叢怨不恤人咸多之

本錢志

周銘字勒山工詩詞康熙癸酉甲戌間嘗往日本還至鄞縣鄞高士林時躍高斗

權朱錢皆極重之所輯有松陵詞選林下詞選二書

朱穆字漢直高才工文爲諸生與董閭包咸相上下不得雋乃肆力於詩游京師

楚粵十餘年題咏甚多著有燕臺集羅浮集楚遊草若干卷

陳寅青字霽山自浙之烏程徙居吳江之北麻後又寓城東蕩上貧而耿介博古工詩與戴笠王載顧有孝友善康熙中年八十餘卒著有焰餘草竹軒存草江村集秋霞集怡雲編嘯廬文彙榴龕隨筆等書

范承淹字嘯山常熟人寓居盛澤好爲詩得錢陸燦指授清峭巉刻無世俗語著遐清集五卷陸燦序之

汝承汪字鴻書黎里人少孤學詩於婦翁葉燮燮以杜集授之半歲得其氣體燮盛稱之其詞悲涼鬱勃燮因題曰蓼齋詩草并爲之序

周士泰字起貞尚書用七世孫邑諸生嘗學詩於吳祖修祖修亟稱之晚年遊京師歲餘得詩四百首皆刻意錘練詞麗而則比物託興咸出於至性竟以苦吟致疾死著有西溪集

本希
經集

一都監生陳世英善事父母其叔父無子欲以爲嗣籍田產以畀之世英辭曰姪

吳江縣志

卷三十七

別錄

六十二

止一身不能兩承祭祀遂不受其叔父乃別嗣族人子而家盡爲所破及叔父歿世英迎養其叔母叔母歿與其叔父合葬焉

李尚卿盛澤人父病篤潛禱於神閉戶剖胸探心旁肉作羹食之竟愈尚卿亦無恙時康熙三十四年八月也後二十年有姚子榮嘗割股療母疾亦盛澤人

葛永祥裴連城鄒大儒徐文炳皆平望人康熙間竝以割股療親疾又有天長陳立震寓居平望親疾亦割股療之

本平
望志

徐天瑞字鳳曆家貧廉介有守康熙四十四年舉於鄉屢上公車足不踏京師貴人之門晚而家益貧守益堅恥同輩孝廉之于縣以私也雖公事亦不往竟困悴以死初知縣葉前高其節投刺謁之不得見及是特往拜奠益嗟嘆不置云

王濂字學周盛澤鎮監生產素薄以善治生起家爲人有才略尚義於昆弟間能推財授田滿其意康熙己丑歲大饑疫濂亟出所儲米五百餘石復糴數百石就家設局人日給米五六合歷三月餘所居里名後街東西設兩柵使東來西往男

女老少無擁擠顛仆患其病者於宅南隙地構草廠數十間處之延醫診治全活頗多是冬有行舟數人凍澤中飢寒累日將死濂聞卽令人編竹篾穿貫兩索撐冰上至舟所先置一二人篾上引索到岸三匝而餘人皆到岸得生嘗與杭人陳某賈其幼弟以私帑二千金密附之踰年死絕無知者濂往弔卽如所遺數并息歸之時有語及負營債三十金將鬻妻以償者濂卽召其人贈之他所爲善多此類

張守仁黎里人康熙末父以事株累繫郡獄會獄中大疫守仁泣告當事求代繫乃得保父於外畱郡醫治家故貧藥餌之費必取資鄉里守仁冒暑往來日走百餘里不少休父病漸痊而守仁已骨立猶自諱言病求白其事至訟解守仁遂斃時年二十四

顧氏處士有孝姊蓬萊知縣沈自南妻爲詩詞有才思嘗咏墨繡錦纏道一闕檢討徐鉉極稱之以下女

吳江縣志

卷三十七

別錄

六十三

龐蕙纒字紉芳一字小畹進士霽妹諸生吳鏘妻也性穎敏讀書一二過終身不忘徧習五經能爲時藝尤工詩善書十二歲能書額詩多師古人名重一時爲人閑靜有厚德奩有漢玉馬鎮紙直數百金爲盜掠去後鏘見於戚友家歸語蕙纒將詰之蕙纒曰安知其非得於他所詰之將使人有盜名失德不如失玉也且喪亂未已珍玩豈能長保不見李易安金石錄後序乎遂已年五十六卒著有倡隨集一卷唾香閣詩詞集若干卷女啓湘亦能詩字潘耒未嫁卒

葉小純字蕙綢諸生沈永禎妻幼端慧與昭齊瓊章以詩詞相倡和後相繼天歿小純痛傷之乃作鴛鴦夢雜劇寄意有貫酸齋喬夢符之風詩極多晚歲汰存二十之一名曰存餘草情辭黯淡過於姊妹二人女樹榮字素嘉亦工詩詞適葉舒頴與吳鏘妻龐蕙纒善所贈答盛稱於時

陸觀蓮字少君及丹生妻能詩與丹生相唱和女默字季齋七歲通孝經九歲能詩年十六母卒默願隨甫三日亦卒時康熙丁未歲六月也

本詩粹

沈華髮字端容中書自炳次女妙憲英字惠思詳列女篇華髮幼工詩詞兼曉繪事適諸生丁彤治家有法著有詩彙一卷從姊淑女字少君工詩詞未字而天有繡香閣集從妹關關字宮音亦能詩其母楊卯君工刺繡能以髮代線關關所刺更得畫家氣韻有名於時

瞿觀至常熟瞿式耜女楊菀子庠生一寧妻工書畫能詩

見平望志

沈瑞玉字希光洞庭山人母張閨仙有詩名瑞玉幼承庭訓卽能詩年二十歸同里鎮貢生顧銘著有繡餘吟彙一卷從母張羽仙爲之序

朱孝女以母病癩不擇汗穢日爲洗滌視寢膳誓奉母以終身及母卒兄嫂俱亡女爲撫其子漸成立康熙庚午年女已老卒年未詳

本陳寅青摺龕隨筆

嚴氏適長洲丁觀國十九歲夫亡守節五十餘年年七十卒康熙間郡給額獎之

見府志。列女篇凡嫁於他縣者皆不載今錄於此有家世可考者則以父若兄冠之前後做此

吳氏適桐鄉桂某未婚時桂已疾篤婚之夕不能成禮甫一月桂卒父母舅姑欲

吳江縣志

卷三十七 別

六十四

奪而嫁之誓死不從尋病卒

以上皆在分縣前

唐永齡字敬承黎里人由浙籍舉人選淳安教諭遇諸生有恩見必勗以文行或以訟來質反覆開諭令事解乃已承縣檄代徵儒戶糧下鄉必視其家有無商所以爲出者至尤貧力不能辦者出俸金貸之亦不責其必償也邑中利病每直陳於當事無瞻顧當事初嫌其懇久而知其坦白皆服而聽焉官淳安十年歸幾無以辦其裝

顧璜字濱玉同里人由選貢爲南陵教諭南陵士子多惑形家言構訟璜引司馬文正公葬法反覆曉諭訟少息其下流至以妻賃人璜屢戒不悛乃言於按察使嚴禁之俗遂變年八十餘告歸卒

陳玉謨字虞佐爛溪人爲人和易而見義敢爲舅潘樵章以史事株連二子發遣塞外玉謨母常涕泣思念安得釋歸康熙三十五年捐贖例開玉謨適在都聞於

其舅未爲之經營援例得贖而以檔案參錯未卽釋王謨身肩其勞爲呈請當事
歷三部一總河兩督兩撫三將軍文移往來遷延年歲沮抑百端盡力不懈卒脫
其孤於籍而成母與舅之志海寧許尙書汝霖深嘆其任事之勇四十四年 欽
取入四朝詩館是年中順天舉人五十一年 欽賜進士選庶吉士後官刑部廣
東司主事乾隆某年卒於家所著有容膝齋集

顧炳文字星若雍正五年由舉人知福建永定縣居官廉謹遇大疑獄輒祈夢於
城隍神辨其朕兆聽斷無枉邑人咸神之

王雲倬字漢倬雍正四年以進士選永福知縣潔已愛民平反冤獄不一年以倉
穀虧折改調清流旋罷官畱滯永福士民爲捐穀輸助定例限內清完者得領咨
另補而雲倬竟歸里家極貧仍授徒自給年八十卒

徐景行字二田邑諸生力學工文爲人廉介不欺以善養親聞於閭里

王淇字友湘盛澤人自貧困時能得親歡心父嘗疾篤割股肉作糜療之及沒喪

吳江縣志

卷三十七

別錄

六十五

葬咸竭心力服除數載猶素冠布履周仲弟千餘金弟信讒反噬仍厚待無怨姊
寡迎養三十載事之如母人有求輒應不少緩曰吾貧困久能悉其苦也

李嘉英字盛甫黎里人雍正六年捐田五十畝爲義莊以贍族之貧者修撰徐陶
璋記

周杭字祖望爰訪從子生有異質家貧無書從人借觀過目不忘少爲文喜徐庾
體已專爲古今體詩宗李杜與顧我錡善我錡詩學實杭爲之倡杭爲人孝友孤
介嘗侍父疾中夜起舐其病目者累月乾隆間卒著有湖干集詩八卷

蘇弘遇字掄青好古學工文詞乾隆元年成進士選泗水知縣廉謹稱職丁祖母
艱歸卒有友貧而死不能殮弘遇往哭之慟經紀其喪人以爲難

顧洪善同里人少孤家酷貧資館穀養母有三弟一妹皆撫之成立母以乾隆已
未夏有疾時洪善在館忽心痛急歸而母疾已殆洪善日拮据進湯藥夜不能具
帳身代家人莫之知也母尋愈而洪善死親舊往唁偶檢坐立蚊蚋中侍奉累月

不痊洪善懼禱於城隍祠願以書得祈神疏彙悉其事莫不悲悼洪善卒時年二十八未娶

馬夔同里陳沂迴僕也妻金氏沂迴夫婦死遺孤士醇方八歲沂迴兄弟四人俱奔走衣食獨夔夫婦以撫孤爲己任維持調護以至成人後士醇妻張氏死遺孤方四歲士醇屢客京邸夔夫婦又撫而長之人皆稱其義云

盛澤葉景文女年二十二適秀水王江涇張元洪踰年夫亡女欲絕食死舅姑強之欲飲鹽滷死舅姑覺而傾之一日因家中失火欲自焚死舅姑急呼而出之乃於明年正月乘間自經死時乾隆三年也

廣成字盧牟柳塘吳氏子少出家於華嚴寺好讀書能詩善畫尤工花草有林良呂季筆意遇文人或連寫數幅以贈俗人索之則片紙不可得也晚年築室妙峯焚修數年而歿

以下三條釋

上圓字裕遠震澤農家子康熙中得法鄧尉山寺僧鶴山志好爲詩沖淡自得兩

吳江縣志

卷三十七

別錄

六十六

住吳江接待寺克振廢壞乾隆八年示寂於鄧尉山寺

本李果撰塔銘

超源字蓮峯仁和人徧參諸方因納履悟道雍正九年奉召入都奏對稱旨

賜紫衣杖鉢 敕住蘇州怡賢寺乾隆七年卓錫吳江接待寺規制整肅越三年示寂源奉母孝詩文書畫皆可觀著有未篩集

王彰字嘉言自幼出家於純陽道院貌清癯不苟言笑能詩善書尤工於畫學常熟王翬寫山水得其意度時謂出徐溶之上而驅邪禱雨亦多有效

道